



Inatsisartunut ilaasortaq
Nikolaj Jeremiassen, Siumut
/MAANI

Kangaatsiami imermik pilersuinermit pissutsit pillugit § 37 naapertorlugu apeqqummut nr. 251-imut akissuteqaat

Asasara Nikolaj Jeremiassen

Kangaatsiami imermik pilersuinermit pissutsit pillugit ulloq 12. oktober 2015
Naalakkersuisunut apeqquteqaateqarputit. Apeqqutit uannut akisassanngorlugit
innersuunneqarput.

22. oktober 2015
Sags nr. 2015-12644
Dok. nr. 4951425

Postboks 1614
3900 Nuuk
Tlf. (+299) 34 50 00
Fax (+299) 34 54 10
E-mail: paian@nanoq.gl
www.naalakkersuisut.gl

1. Naalakkersuisut Kangaatsiami imeqarnerup ajornartorsiutaanerata sukkanerusumik iluarsineqarnissaanut suleqataanissaminut pilersaaruteqarpat?

Nukissiorfiit paasisimavaat taserni imeqarfiusunit erngup annertussusaa, Kangaatsiami
pilersuinermit atorreqartoq nungungajassimalluni annikitsuusoq. Tamatumunnga
pissutaavoq piffissami aalajangersimasumi sumiiffimmi killeqartuinnarmik
siallertarsimamera, kiisalu Royal Greenland-ip ilimasaarinertaqanngitsumik
Kangaatsiami aalisakkerivimmi imermik atuinermit annertusititsisimamera. Ukiuunerani
innuttaasunut imermik naammattumik pilersuinissaq qulakkeerniarlugu Nukissiorfiit
qisuariartariaqarsimapput.

Royal Greenlandip imermik atuinera killeqarpoq

Nukissiorfiit aamma Royal Greenlandip ulloq 8. oktober 2015 ataatsimeeqatigiinneranni
isumaqatigiissutigineqarpoq, Royal Greenland annikitsuaraannarmik imermik
atuisinnaassasoq. Aalisakkerivik siusinnerusukkut sapaatip akunneranut 450 m³-imik
atuisaraluartoq, sapaatip akunneranut 30 m³-imik atuinissamik periarfissineqassaaq.
Isumaqatigiissutip kingunerisaanik aalisakkeriviup saarullinnik qerititsisamera
ingerlaannassaaq, kisianni nerpittaajaasinnaanani.

Nukissiorfiit tatsimit tapertaasutut imeqarfiusussamit imermik aallertassaaq

Tatsimut tapertaasumik imeqarfissamut, tatsinit ullumikkut atorreqartunit 4 km-isut
ungasitsigisumiittumut, erngup aqqaannik atorreqartussanik Nukissiorfiit
ikkussuileruttorput. Tamanna sapaatit akunnerinik 4-5-inik sivissuseqassasoq
naatsorsuutigineqarpoq.

Allanik suliniuteqarnissaq maannakkut pilersaarutigineqanngilaq

Tatsimut imeqarfissamut nutaamut erngup aqqaannik ikkussuigallarneq pereerpat,
allanik suliniuteqarnissaq pisariaqarneris Nukissiorfiit nalilersorniartaat. Sumiiffimmut
osmose atorlugu imeqarfissamik inissiinissaq pilersaarutaanngilaq. Osmose atorlugu
imeqarfik suliasamat aalajangersimalluinnartumut
piareersarneqaaqqaartussaasavaoq nassiuunneqartussaassallunilu.

Erseqqissarneqassaaq taseq imeqarfik suli imaqarmat. Taamaalilluni maannakkorpiaq Kangaatsiami ikuallattoqalissagaluarpat tamanna isumannaallisaanermi ajornartorsiutaassanngilaq. Tamatuma saniatigut aallaaviatigut imaq tarajoqartoq qatserinermut atorineqartussaavoq.

Inussiarnersumik inuulluaqqusillunga

Mala Høy Kúko